

«ԷՅՐԵՆԵ» ԿԱԶՄԱԿԵՐՊՈՒԹՅԱՆ XIV ԳԻՏԱԺՈՂՈՎԸ ԵՐԵՎԱՆՈՒՄ

1976 թ. մայիսի 18—23-ը Երևանում տեղի ունեցավ սոցիալիստական երկրների անտիկ շրջանի մասնագետներին միավորող «Էյրենե» կազմակերպության հերթական՝ XIV կոնֆերանսը, նվիրված անտիկ պատմության, բանասիրության և նյութական ու հոգևոր մշակույթի հարցերին: Կոնֆերանսի աշխատանքներին մասնակցում էին ՍՍՀՄ և Եվրոպայի սոցիալիստական երկրների ավելի քան 50 քաղաքներից ժամանած շուրջ 250 մասնագետներ, որոնց թվում ՍՍՀՄ ԳԱ ակադեմիկոս Բ. Բ. Պիոտրովսկին, ակադեմիկոսներ Վ. Գեորգիևը (Բուլղարիա), Հ. Բեթունսկա-Մալովիստը (Լեհաստան), Ի. Իրմշերը, է. Վելսկոպֆը (ԳԴՀ), Յա. Հարմաթյան (Հունգարիա), ՀՍՀՄ ԳԱ ակադեմիկոսներ Ս. Տ. Երեմյանը, Բ. Ն. Առաքելյանը, Գ. Բ. Ջահուկյանը, ՀՍՀՄ ԳԱ թղթակից-անդամներ Վ. Կ. Ջալոյանը, Գ. Խ. Սարգսյանը, Գոկտորներ Դ. Բ. Շելովը, Ե. Մ. Շտաբերմանը, Ե. Ս. Գոլուբցովան, Ի. Դ. Ամուսինը, Օ. Դ. Լորդկիպանիձեն, Ս. Ս. Արևշատյանը, Հ. Մ. Բարթիկյանը (ՍՍՀՄ), Բորթակը (Հունգարիա), Յա. Վիկարյակը (Լեհաստան), Մ. Պետրուշևսկին (Հարավսլավիա), Վ. Իլիեսկուն (Ռումինիա), Պ. Օլիվան (Չեխոսլովակիա) և ուրիշներ:

Անտիկ շրջանի մասնագետների այս հերթական գիտաժողովը Երևանում գումարելու որոշումը բացատրվում է նրանով, որ մեր հանրապետությունը հարուստ է անտիկ հուշարձաններով և մասնակիցները կարող էին անձամբ մոտիկից ծանոթանալ դրանց: Մյուս կողմից, հին պատմությամբ զբաղվող սովետահայ մասնագետների աշխատությունները արդեն գրավել են Սովետական Միության գիտնականների, ինչպես և արտասահմանյան մասնագետների ուշադրությունը և մեր հանրապետությունը դարձել է անտիկ հասարակության պատմության ուսումնասիրման կարևոր օջախ:

Գիտաժողովին ներկայացված զեկուցումներն ու հաղորդումները նվիրված էին անտիկ աշխարհի և նրա հետ առնչված երկրների քաղաքական պատմության, սոցիալ-տնտեսական հարաբերություններին, նյութական և հոգևոր մշակույթի, բանասիրության ամենատարբեր

հարցերին: Այս փաստն ինքնին վկայում է, որ անտիկ ժամանակաշրջանի պատմագիտունը դարձել է ուսումնասիրության բաղաձյուղ մի բնագավառ և այժմ արդեն պարտադիր է խիստ և նեղ մասնագիտացում: Այսպիսի դրությունը անհրաժեշտություն առաջացրեց գիտաժողովին ներկայացված զեկուցումներն ու հաղորդումները բաժանել հինգ սեկցիաների և երկու ենթասեկցիաների միջև. 1. Անտիկ աշխարհը և Արևելքը (պատմության և մշակույթի ենթասեկցիաներով), 2. Ստրկատիրական արտադրանքների ճգնաժամը, 3. Մարդու պատկերումը անտիկ գրականության և արվեստի մեջ, 4. Նոր մեթոդներ և հայտնագործություններ դասական լեզվաբանության բնագավառում, 5. Հնագիտական նորագույն հայտնագործություններ (երկու ենթասեկցիաներով):

Գիտաժողովի պլենար նիստը գումարվեց ՀՍՀՄ ԳԱ նիստերի մեծ դահլիճում: Իր բացման խոսքում ակադ. Բ. Բ. Պիոտրովսկին բնութագրեց «Էյրենե» կազմակերպության առաջացումը և նշեց, որ սոցիալիստական երկրների անտիկ մասնագետները հատուկ խորհուրդ են տեսնում իրենց կազմակերպության «Էյրենե» անվան մեջ, որը հունարեն նշանակում է «խաղաղություն»:

Նիստում կարդացած իրենց զեկուցման մեջ ՀՍՀՄ ԳԱ ակադեմիկոս Բ. Ն. Առաքելյանը և ՀՍՀՄ ԳԱ թղթակից-անդամ Գ. Խ. Սարգսյանը բնութագրեցին հին Հայաստանի նյութական և հոգևոր մշակույթի մեջ նկատվող հելլենիզմի գծերը: Նշվեց, որ մ. թ. ա. IV դարի վերջից Հայաստանը թևակոխում է պատմական զարգացման նոր շրջան, ընդգրկվելով հելլենիստական աշխարհի ոլորտի մեջ: Այդ ժամանակ տեղի է ունենում նշանակալից բեկում երկրի սոցիալ-տնտեսական և մշակութային կյանքում: Այդ բեկումն առավել ուժեղանում է մ. թ. ա. II—I դդ., հայկական միասնական պետության առաջացմանը ղուգրնթաց: Նշվեց, որ Հայաստանի այդ շրջանի նյութական մշակույթի ուսումնասիրման համար բացառիկ նշանակություն ունեն Գառնիի, Արմավիրի և Արտաշատի պեղումներից հայտնաբերված նյութերը: Հելլենիզմի գծեր նկատելի են ոչ միայն նյութական,

այլև հոգևոր մշակույթի մեջ: Դա արտահայտվել է առաջին հերթին հունարենի, ինչպես նաև հելլենիստական պաշտամունքային տարրերի ներթափանցումով Հայաստան: Հայաստանի և Առաջավոր Ասիայի մյուս երկրների մշակույթներում նկատվող հելլենիստական գծերը պիտի համարել հետևանք տեղական և հելլենական մշակույթների համագործակցության՝ տեղական աղբի վրա:

Ակադ. է. Վելսկոպֆի (ԳԴՀ) զեկուցումը նվիրված էր մարդու կերպարին անտիկ աշխարհում, խեղճերի և իրավադուրկների ինքնագիտակցության բարձրացմանը: Հոմերոսյան պոեմների, անտիկ պատմիչների, ողբերգականների, փիլիսոփաների երկերի հիման վրա նա հետաքրքիր մեկնություններ տվեց դեմոսի և ստրուկների փոխհարաբերության հարցին:

Նիստի վերջին զեկուցումը (պրոֆ. Ե. Մ. Շտաներման, Մոսկվա) վերաբերում էր ստրկատիրական արտադրանքանակի ճգնաժամի հարցին: Հանրագումարի բերելով սովետական գիտնականների և իր անձնական ուսումնասիրությունների արդյունքները, զեկուցողը հանգում է այն եզրակացության, թե հոմեական ստրկատիրական հասարակության ճգնաժամը և անկումը հետևանք էր ոչ թե արտաքին քաղաքական հանգամանքների, այլ ներքին սոցիալ-տնտեսական գործոնների:

Գիտաժողովի հետագա աշխատանքներն ընթացան նեղ մասնագիտական սեկցիաներում:

Անտիկ աշխարհը և Արևելքը՝ սեկցիայում քննարկվեցին Արևելքի տարբեր երկրների (Փոքր Ասիա, Անդրկովկաս, Բոսպորյան թագավորություն, Միջին Ասիա, Մերձավոր Արևելք, Հնդկաստան) և անտիկ աշխարհի քաղաքական, տնտեսական, մշակութային առնչություններին և փոխազդեցություններին նվիրված մի շարք հարցեր:

Ի. Բ. Բրաշինսկին Մերձսևծովյան ափերի հունական գաղութացման պատմությանը նվիրված իր զեկուցման մեջ նշեց, որ այդ գաղութացումը տարբեր շրջաններում կրել է տարբեր բնույթ, եղել է առավել կամ պակաս ինտենսիվ, նայած տեղական բնակչության առավել կամ պակաս վարգացմանը:

Ա. Մ. Խաղանովը անդրադառնալով Մերձսևծովյան շրջանում հին հունական քաղաքների և սկյութական բնակչության փոխհարաբերություններին, նշեց, որ անտիկ քաղաքակրթության ազդեցությունը սկյութական հասարակության վրա եղել է առավելապես տնտեսական և պակաս շափով՝ մշակույթի ասպարեզում:

Գ. Ա. Ցվետակայի հաղորդման նպատակն էր ցույց տալ, որ Բոսպորի մշակույթը եղել է հելլենական, որը մ. թ. ա. առաջին դարերում կրել

է ուժեղ բարրարոսական, առավելապես սարմատական բնույթ: Հոմի քաղաքական ոլորտում ներգրավվելուց հետո այն կրել է նաև հոմեական մշակույթի ազդեցությունը, սակայն ավելի փոքր չափով:

Յու. Մ. Դեսյատչիկովի հաղորդումը նվիրված էր I—IV դդ. Բոսպորյան հասարակության ուսումնասիրությանը: Նշվեց, որ Բոսպորյան թագավորության հասարակությունը քաղկացած էր հիմնականում երեք դասերից. որոնք համապատասխանում էին հին Հայաստանի և հին Վրաստանի դասերին (արիստոկրատներ-նախարարներ-կրիսթավիներ, պիլիտներ-ոստանիկներ-թաճրևուկներ, պեկատներ-շինականներ):

Ն. Վ. Խաղարաձեի հաղորդման բնույթը աղբյուրագիտական էր: Անդրադառնալով հունական աղբյուրներում մոսքերի տարաբնակեցման մասին եղած վկայություններին, նա փորձեց բացահայտել այդ վկայությունների ակունքները և արժանահավատությունը:

Ա. Ի. Բուտունովան իր զեկուցման մեջ նշեց, որ պատմագրության մեջ ընդհանրապես տարածված է այն պատկերացումը, թե կոլխերին հաջողվել էր իրենց քաղաքական անկախությունը պահպանել Աքեմենյանների ոտնձգություններից: Առարկելով այդ պատկերացմանը, զեկուցողը նշեց, որ Հերոդոտոսի տվյալներով, կոլխերը ևս քաղաքական նույնպիսի վիճակում էին, ինչ Աքեմենյաններին հպատակ մյուս ժողովուրդները:

Յու. Ն. Վորոնովը, անդրադառնալով անտիկ աշխարհի և Հյուսիսային Կովկասյի առնչություններին, բնութագրեց Կովկասյի ծովափին հիմնադրված հունական պոլիսների և տեղաբնիկների փոխհարաբերությունները և դրանց բնույթի փոփոխվելը Հոմի գերիշխանության ժամանակ: Եթե հելլենները առաջին հերթին առևտրականներ էին, արհեստավորներ ու երկրագործներ, ապա հոմայեցիները իրենց տերության շահերը պաշտպանող ռազմիկներ էին:

Մ. Պ. Ինաձեի հաղորդումը նվիրված էր Անդրկովկասում հելլենիզմի ազդեցության հարցին: Նա ցույց տվեց, որ այդ ազդեցությունը ոչ միայն և ոչ այնքան մշակութային էր, որքան իր արտահայտությունն էր գտնում անդրկովկասյան երկրների սոցիալ-տնտեսական կյանքի տարբեր կողմերում:

Ն. Յու. Լոմոտիին իր հաղորդմամբ անդրադարձավ Հոմի և Արևմտյան Վրաստանի քաղաքական, տնտեսական և մշակութային հարաբերություններին, ցույց տալով, որ Հոմի ազդեցությունն այստեղ եղել է համեմատաբար ոչ ուժեղ:

Մ. Ի. Ռասուլովան իր հաղորդմամբ նպատակ էր դրել վերջին տարիների ընթացքում Ադրի-

չանի տարածքի վրա կատարվող պեղումներից հայտնաբերված նյութերով բացահայտել անտիկ մշակույթի բեղմնավոր ազդեցությունը աղվանական ցեղերի նյութական և հոգևոր մշակույթի վրա:

Դ. Ե. Արեշյանը, անդրադառնալով Մերձավոր Արևելքում և էֆեյան ծովի ավազանում երկաթի հայտնվելուն, պեղածո նյութերի, ինչպես նաև անտիկ գրավոր աղբյուրների տվյալների հիման վրա ցույց տվեց դարերի ընթացքում երկաթի ունեցած հեղափոխիչ ազդեցությունը ոչ միայն արտադրության մեջ, այլև մարդկային մտածողության բնագավառում:

Ե. Ս. Դուրբցովայի զեկուցումը նվիրված էր անտիկ ժամանակաշրջանում Փոքր Ասիայի գյուղական բնակչության իդեոլոգիական հայացքներին, որոնց դրսևորման հիմնական ձևը եղել է կրոնը: Այդ հայացքների ընդհանուր պատկերը խայտաբղետ էր՝ երկրի տարբեր մասերի սոցիալ-տնտեսական ու քաղաքական զարգացման տարբեր աստիճաններին համապատասխան:

Ս. Ս. Սուլովյովան իր զեկուցման մեջ անդրադարձավ մ. թ. ա. VIII դարի լյուդիական թագավորության խաղացած քաղաքական ու մշակութային դերին հին աշխարհում Արևմուտքի և Արևելքի միջև, ցույց տվեց, որ Արևմուտքի նկատմամբ այդ դերը հետադիմական էր, պահպանողական, իսկ Արևելքի նկատմամբ՝ առաջադիմական:

Ի. Ս. Սվենցիցկայան նույնպես, ուսումնասիրելով լյուդիական թագավորության պատմությունը, հանգել է այն եզրակացության, թե այդ տերության կազմում ընդգրկված հոնիական քաղաքները, որոնք առևտրա-արհեստագործական խոշոր կենտրոններ էին, վայելում էին ներքին ինքնավարություն, բայց պարտավոր էին վճարել կանոնավոր հարկ և զորական միավորումներ հատկացնել լյուդիական թագավորին:

Վ. Գ. Ժիգուլինի և Տ. Ա. Մոխսեևայի հաղորդումները վերաբերում էին կելտական ցեղերի դադիին զեպի արևելք, Փոքր Ասիայի կենտրոնում նրանց ստեղծած պետությանը (Գալատիա), հելլենիստական աշխարհի քաղաքական, տնտեսական ու մշակութային կյանքում նրանց խաղացած դերին:

Լ. Ս. Բլյինսկայայի զեկուցումը նվիրված էր հռոմեական տիրապետության հաստատման շրջանում Հռոմի հետ հելլենիստական Փոքր Ասիայի տիրող խավերի ունեցած փոխհարաբերությունների հարցին: Նա ցույց տվեց, որ տիրող խավերը ունեցել են հռոմեական կողմնորոշում, մինչդեռ ժողովրդական զանգվածները եղել են հակահռոմեական շարժումների հիմնական կրողները:

Բ. Յա. Ստավիսկու զեկուցման նպատակն էր ցույց տալ, որ անտիկ աշխարհը էապես նպաստել է միջինասիական ժողովուրդների մշակութի և արվեստի զարգացմանը:

Ի. Տ. Կրուլիկովայի զեկուցման մեջ ևս ցույց տրվեց, որ հելլենական ավանդույթները հարավային Բակտրիայի մշակույթի մեջ շարունակվել են մինչև ուշ անտիկ շրջանը և մեծապես ազդել են բուլանների մշակույթի վրա:

Ռ. Մ. Ռահմանովան, քննարկման առնելով Միջին Ասիայի դիվանագիտական կապերը հարևան երկրների հետ, ցույց տվեց, որ այդ կապերը անտիկ ժամանակաշրջանում հասել են Հեռավոր Արևելքից մինչև Միջերկրական ծով:

Բ. Շ. Շիֆմանի զեկուցումը նվիրված էր Պալմիրայի պետության դեռևս քիչ ուսումնասիրված պատմությանը՝ Զենոբիայի իշխանության շրջանում: Զեկուցողը նշեց, որ Պալմիրայի պետության առաջացումը II—III դդ. Արևելքում Հռոմեական կայսրության ապրած ճգնաժամի բարձրակետն էր, նա ուրվագծեց այդ պետության սոցիալ-տնտեսական իրավիճակը և փորձեց բացահայտել Զենոբիայի պարտության պատճառները Հռոմի դեմ մղած պայքարում:

Գ. Մ. Բոնգարդ-Լևինը իր զեկուցման մեջ նշեց, որ Հնդկաստանը և անտիկ աշխարհը ունեցել են բաղադրյալ առնչություններ (մշակութային, քաղաքական, առևտրական), որոնց մասին հետաքրքիր վկայություններ կան հին հունական աղբյուրներում: Այդ վկայությունները հաստատվում են նորագույն տվյալներով և ցույց են տալիս հելլենական ազդեցությունը հնդկական հասարակության կյանքի մի շարք երևույթների վրա:

Ե. Ա. Մուլեի և Ժ. Գ. Էլչիբեկյանի հաղորդումների նյութը Փոքր Հայքի պատմությունն էր, սկսած այն ժամանակից, երբ հայկական այդ երկրամասը նվաճվեց Միհրդատ Պոնտացու կողմից, մինչև այն շրջանը, երբ Փոքր Հայքը վերջնականապես կորցրեց իր անկախությունը և միացվեց Հռոմի տիրույթներին:

Գիտաժողովում առանձին ուշադրության արժանացավ անտիկ քաղաքների պատմության ուսումնասիրումը: Յու. Վ. Անդրեևը իր զեկուցման մեջ նշեց, որ հունական պոլիսը և Արևելքի քաղաք-պետությունները չի կարելի նույնացնել ոչ քաղաքական առումով, ոչ էլ սոցիալ-տնտեսական կառուցվածքի տեսակետից: Մինչև Հունաստանում պոլիսների զարգացման ուղին դեմոկրատիան էր, Սրբելի քաղաքներից և ոչ մեկը չ'արձրացավ օլիգարխիական ռեսպուբլիկայից վեր, նրանց մեծ մասը չ'հասավ նույնիսկ դրան:

Գ. Ա. Կոշելենկոն անդրադարձավ հունական քաղաքի տեղի հարցին հելլենիստական պետու-

թյան մեջ, նա նշեց, որ հելլենիստական երկրներում հողի գերագույն սեփականատերը թագավորն էր: Նման պետության կազմում քաղաքն արդեն զրկվում էր իր մի շարք առանձնաշնորհումներից, որի հետևանքով էլ մշտական կոնֆլիկտ էր առաջանում կենտրոնական իշխանության և քաղաքի միջև:

Լ. Մ. Գլուսկինան իր գեկուցման նյութ էր դարձրել հունական քաղաքներին շնորհված անձեռնմխելիության և ապաստանի իրավունքի հարցը: Այդ իրավունքը աստիճանաբար ընդունում է քաղաքական բնույթ: Այդպիսի իրավունքը հաստատվում էր Դելֆյան սրբավայրի և այն միապետի կողմից, որի գերիշխանության տակ գտնվում էր տվյալ քաղաքը:

Գ. Խ. Սարգսյանն իր գեկուցման մեջ կանգ առավ ուշ բարելոնական քաղաքում իրականացվող ապրուստի (բառացի՝ բաժին, վիճակ) և հելլենական պոլիսում ընդունված՝ նյութական բարիքների և դրամի բաշխման երևույթների վրա, ցույց տալով դրանց առաջացումը և նմանությունը: Նա միաժամանակ նշեց, որ այդ եղանակով իշխանությունները կարգավորում էին արտադրանքի բաշխումը իրական և պոտենցիալ ստրկատերերի միջև, որոնցից կազմված էր համայնքը, ամրապնդում իրենց սոցիալական բազան և բարձրացնում կոլեկտիվի համերաշխությունը, որը հակադրվում էր շահագործվողների զանգվածին:

Հին եմենի պատմությանը նվիրված իր գեկուցման մեջ Ա. Գ. Լունդինը նշեց, որ հին արաբական քաղաքներն ունեցել են պոլիսային կառուցվածք և եզրակացրից, թե պոլիսային կազմակերպությունը միայն անտիկ աշխարհին չէր հատուկ, այլ հասարակության զարգացման օրինաչափ և անհրաժեշտ տարր էր հին աշխարհում, դասակարգային հասարակության և ստրկատիրական հասարակարգի կազմավորման փուլում:

Նի շարք գեկուցումներ վերաբերում էին անտիկ պատմագրության հարցերին: Ա. Ի. Նեմիրովսկին իր գեկուցման մեջ բացահայտեց հունական պատմագրության առաջացման հանգամանքները, ցույց տալով նաև դրա արևելյան արմատները. միաժամանակ, սակայն, նշեց, որ Արևելքում շահագացավ այդպիսի պատմագրություն, սոցիալ-տնտեսական ուրույն հարաբերությունների պատճառով:

Բ. Վ. Պյանկովը, անդրադառնալով անտիկ պատմագրության ստեղծած «Ասիայի պատմության» մեջ ուրվագծված իրանական ժողովուրդների պատմագրությանը, ցույց տվեց այդ սխեմայի իրական և ոչ իրական տարրերը:

Ս. Ա. Վարդանյանն իր գեկուցման մեջ նշեց, որ հայկական բժշկագիտությունն իր արմատ-

ներով շատ հին է և սնվել է ժողովրդական կենարար ակունքներից, բայց իր զարգացման որոշակի փուլում (V—VIII դդ.) կրել է անտիկ բժշկագիտության (Հիպոկրատ, Գալեն և ուրիշներ) բարերար ազդեցությունը:

Առանձին սեկցիայի նիստերում ներկայացված էին ստրկատիրության ճգնաժամին վերաբերող տեսական նշանակություն ունեցող գեկուցումներ: Ի. Բեժունսկա-Մալովիստի (Լեհաստան) գեկուցումը նվիրված էր անտիկ ստրկության ճգնաժամի չափանիշների հարցերին:

Վ. Ի. Կուզիշչինի գեկուցման մեջ քննարկվում էր հռոմեական լատիֆունդիաների ներքին կառուցվածքը որպես տնտեսության որոշակի տիպ և նրանց աստիճանական էվոլյուցիան, որի հետևանքով լատիֆունդիան դառնում է միջնադարյան վոտչինայի նախատիպը:

Ա. Ի. Պավլովսկայան, քննության առնելով հռոմեական հասարակության մեջ ստրուկների և կոլոնների աշխատանքի եկամտաբերության հարցը, ցույց տվեց, որ կոլոնների աշխատանքը առավել շահավետ էր և որ մասամբ դրանով է բացատրվում Արևելքում ստրկական աշխատանքի սահմանափակ օգտագործումը:

Ռ. Ե. Լյաստը, իր հաղորդման մեջ անդրադառնալով հռոմեական հասարակության դասային կառուցվածքի էվոլյուցիային, նշեց, որ կայսրության ժամանակ ներփակ դասային խմբերի կազմավորումը պիտի դիտել որպես Հռոմի հասարակության ճգնաժամի ցուցանիշ:

Ս. Ռ. Կիմը իր գեկուցման մեջ ցույց տվեց հռոմեական հասարակության մեջ տնտեսական օբյեկտիվ գործոնների պատճառով տեղի ունեցած հակամարտ դասակարգերի աստիճանական փոխակերպումը, որոնք վերջո հասցրեց նրանց ընդհանուր կործանմանը և նոր, ֆեոդալական հասարակության առաջացմանը:

Ս. Տ. Երեմյանի գեկուցումը նվիրված էր սոցիալ-տնտեսական հարաբերությունների վերլուծությանը Հայաստանում II—III դդ., երբ ճգնաժամ ապրող ստրկատիրական հասարակության ընդերքում առաջանում էր ֆեոդալական հողատիրությունը: Այդ երևույթի խորացմանը նպաստում էր քաղաքների անկումը Հայաստանում, թագավորական իշխանության վերացումը և նախարարությունների հզորացումը, այնպես որ IV—V դդ. արդեն Հայաստանում իր հիմնական գծերով կազմավորվել էր ֆեոդալական հողատիրությունը:

Վ. Վելկովը (Բուլղարիա) իր գեկուցման մեջ ուրվագծեց III դարի Թրակիայի տնտեսական զարգացման վիճակը և մանրամասն կանգ առավ IV—V դդ. Թրակիայում ստրկատիրական հասարակության աստիճանաբար ֆեոդալականի անցնելու հարցերի վրա:

Դ. Նիկեյոսի (Բուլղարիա) զեկուցումը նույն-
պես նվիրված էր Խրակիայում մ. թ. IV դարում
ստրկատիրական արտադրանական քայքայ-
ման և կոլեկտի առաջացման հարցերին:

Ի. Խանի (Ռումինիա) հաղորդումը վերաբե-
րում էր ուշ անտիկ շրջանի ուտոպիստական
պատկերացումների մեջ ստրկատիրության ճշդ-
նաժամի արտացոլման փաստերին: Նշվեց, որ
ուշ անտիկ շրջանի ուտոպիստական պատկերա-
ցումները էապես տարբերվում էին նախորդ
դասական, հելլենիստական և հռոմեական շրջ-
անների պատկերացումներից: Այս վերջին
շրջանում արդեն առաջադրվում էին ստրկության
վերացման, հողի ընդհանուր սեփականության և
նյութական բարիքների նկատմամբ հավասարու-
թյան հարցերը:

Գ. Վ. Կորանիշվիլու զեկուցումը նպատակ
ունեւր բացահայտել անտիկ քաղաքակրթության
անկման պատճառները: Նա նշեց, որ այդ
անկման գլխավոր պատճառը եղել է դասական
ստրկությունը, մնացած պատճառները (սոցիա-
լական հոգեբանություն, պետական կարգ, բար-
քարոսների արշավանքներ) եղել են երկրորդա-
կան:

Կ. Պ. Կորժևան իր հաղորդման մեջ ցույց
տվեց, որ II դարում հռոմեական կայսրության
մեջ գաղափարական պայքարը հեթանոսության
և վաղ քրիստոնեության միջև եղել է դասա-
կարգային պայքարի ձևերից մեկը:

Գիտաժողովում լսվեցին նաև աղբյուրագիտա-
կան զեկուցումներ:

Մ. Կ. Տրոֆիմովան, անդրադառնալով 1945 թ.
Եգիպտոսում հայտնաբերված ղպոսերեն ձեռա-
գրերին, նշեց, որ Նագ-Համմադի այդ ձեռագիր
հուշարձաններն արդեն դառնում են պատմա-
կան, պատմա-կրոնական, փիլիսոփայական,
գրականագիտական և լեզվաբանական ուսում-
նասիրությունների առարկա:

Մ. Մ. Ելիզարովայի զեկուցումը նվիրված էր
«Բեն-Սիրի իմաստությունների» տարբեր լեզու-
ներով կատարված թարգմանությունների ա-
ռանձնահատկությունների բացահայտմանը:

Ս. Մ. Կրկյաշարյանն անդրադարձավ Հերո-
դոտոսի, Քսենոփոնի և Ստրաբոնի մի շարք
հաղորդումներին, առաջադրեց իր նոր թարգմա-
նություններն ու մեկնությունները, որոնք էա-
կան ուղղումներ են մտցնում հայ ժողովրդի հին
շրջանի պատմության մի շարք հարցերում:

Թ. Ս. Կաուխիշվիլու զեկուցման մեջ բնու-
թագրվեցին հույն հեղինակների վկայությունները
Իբերիայի մասին: Զեկուցողը վեր հանեց այդ
վկայությունների նշանակությունը վրաստանի
հին շրջանի պատմության ուսումնասիրման հա-
մար:

Ա. Ս. Ստեփանյանը, անդրադառնալով I դա-
րի կեսերին Վարդանի և Գոտարզի միջև պար-
թևական գահի շուրջ մղված պատերազմին
(որը վերջացավ Վարդանի հաղթանակով), նշեց,
որ այդ առթիվ Տակիտոսի հաղորդած տեղե-
կությունները հաստատվում են չինական աղ-
բյուրների տվյալներով:

Ն. Ա. Շահնազարյանն իր զեկուցման մեջ
ցույց տվեց, որ պարսկա-հռոմեական հարաբե-
րությունները IV դարից մինչև օրս ուսումնա-
սիրվում են հիմնականում Ամմիանոս Մար-
կելլինոսի հաղորդած տվյալների հիման վրա:
Ցավոք, ուսումնասիրողները այս առումով
պատշաճ ուշադրություն չեն դարձրել Փավստոս
Բուղանդի «Պատմությունը», որը, ինչպես ցույց
տվեց զեկուցողը, եզակի սկզբնաղբյուր է այդ
շրջանի պատմության համար:

Հ. Մ. Բարթիկյանի զեկուցումը նվիրված էր
անտիկ հեղինակների երկերի գրաբար թարգմա-
նություններին և դրանց պատմագիտական ար-
ժեքավորմանը:

Նահեկան էին անտիկ բանասիրությանը նը-
վիրված զեկուցումները, որոնցում արտացոլված
էին վերջին տարիներին այդ ուղղությամբ ձեռք
բերված նվաճումները:

Գ. Բ. Զահուկյանն իր զեկուցման մեջ նշեց,
որ կիպրոսական-հունարեն երկլեզվյա արձա-
նագրության մի շարք դեռևս անվերժանելի բա-
ռերը հնարավոր է վերծանել խուրրի-ուրարտե-
րենի օգնությամբ և ցույց տվեց վերծանման
նման եղանակի արդյունավետությունը:

Լ. Ա. Գինդինի հաղորդումը նվիրված էր
հունա-լատինական վիմագիր արձանագրությու-
ններում պահպանված հատուկ անունների միջո-
ցով թրակիական լեզվի որոշ տարրեր վերա-
կանգնելու փորձերին:

Օ. Ս. Շիրոկովն իր զեկուցման մեջ քննար-
կեց արմենա-հունական էթնոգենետիկական
առնչությունները պատմա-համեմատական բա-
նասիրության տվյալների հիման վրա և առաջ
բաշեց հույների փոքրասիական ծագման են-
թադրությունը:

Վ. Պ. Ներսիսյանի զեկուցման առարկան հին
մակեդոնների և հին հունարենի ազգակցու-
թյան հարցն էր: Իր եզրակացության մեջ նա
նշեց, որ հին մակեդոնները եղել է ոչ հունա-
կան, հին բալկանյան լեզու, սակայն հետագա-
յում կրել է հունարենի ուժեղ ազդեցությունը:

Յա. Հարմաթյան (Հունգարիա) մանրամասն
վերլուծեց Հերոդոտոսի «Պատմության» մեջ
տեղ գտած նովելները, ցույց տալով դրանց
պատմական արմատները և գեղարվեստական
արժանիքները:

Գ. Ի. Դովգյալոն կոնկրետ օրինակներով ցույց
տվեց, որ Հերոդոտոսի մի շարք պատմվածքնե-

րում կան խեղճական պատմական ավանդու-
թյուններին համապատասխանող տվյալներ:

է. Լ. Դանիելյանի ղեկավարած առանցքը կազ-
մում էին Պողոսյանի երկու պարթևական պե-
տությունը վերաբերող տվյալները, որոնց հի-
ման վրա որոշվում են այդ պետության սահ-
մանները մ. թ. ա. II դարի կեսերին:

Լ. Ի. Գրաքիանսկայան, անդրադառնալով
Ստրաբոնի ոճի հարցերին, ցույց տվեց, որ նրա
«Աշխարհագրությունը» ոչ թե մեքենայաբար
կատարված քաղաքագրություն է, ինչպես պնդում
են ոմանք, այլ նրա հավաքած տվյալների
ստեղծագործական համադրում:

Ա. Ն. Մուրադյանը հայերենի հունարան դըպ-
րոցին նվիրված իր ղեկավարած մեջ վեր հանեց
այդ դպրոցի հիմնադիրների լեզվաշինարարա-
կան աշխատանքի էությունը, նրանց կատարած
թարգմանությունների և հեղինակած ինքնուրույն
երկերի նշանակությունը հայ ժողովրդի մշակու-
թյան և քաղաքական կյանքում:

Գիտաժողովում առանձին պրոբլեմ էր դարձել
«Մարդու պատկերումը անտիկ գրականության և
արվեստի մեջ» հարցը:

Անտիկ հասարակության խոշորագույն նվա-
ճումներից մեկն էլ փիլիսոփայական մտքի
զարգացումն էր: Այս հարցին էին նվիրված գի-
տաժողովի մի շարք մասնակիցների ղեկավարում-
ները (Ա. Ֆ. Լոսև, Վ. Կ. Չալոյան, Ս. Ս. Արև-
շատյան և ուրիշներ):

Համեմատաբար սակավ էին անտիկ դրամա-
գիտության հարցերին վերաբերող ղեկավարումնե-
րը (Ֆ. Ռեդո, Խ. Ա. Մուշեղյան, Գ. Վ. Սար-
գոսյան): Առավել պատկառելի թիվ կազմեցին
հնագիտական նորագույն հայտնագործություն-
ների մասին ղեկավարումները, որոնք մասնակից-
ներին ծանոթացրին հիմնականում Սև ծովի ան-
տիկ հնավայրերի, Վրաստանում, Հայաստա-
նում, պատմական Աղվանքում, Միջին Ասիա-
յում և Բալկանյան թերակղզում կատարվող պե-
ղումների նյութերին:

Յու. Գ. Վինոգրադովի և Ա. Ս. Ռուսակայի
հաղորդման համաձայն 1975 թ. Օլվիայում
հայտնաբերված մի հունարեն արձանագրու-
թյամբ լիովին պարզվում է միլետյան տոմարի
ամիսների անվանումը և հաջորդականությունը:
Օլվիայի արվարձանի պեղումները, ինչպես
վկայեց Յու. Ս. Կոզլովը, հաստատում են Հե-
րոդոտոսի հաղորդումները այդ բնակավայրի
մասին, որը գոյություն է ունեցել մ. թ. ա.
VI—IV դդ.: Վ. Վ. Ռուբանը հաղորդեց, որ վեր-
ջին տարիներս բացված են անտիկ դամբարան-
ներ Օլվիայի մոտ, որտեղից հայտնաբերված
նյութերը խոշոր նշանակություն ունեն ընդհան-
րապես վաղ հելլենիստական տնտեսության
ուսումնասիրման համար: Խերսոնեսի հնագի-

տական բազմամյա պեղումների ընթացքում ար-
շավախմբի ձեռք բերած ընդհանուր հաջողու-
թյուններին էր նվիրված Գ. Դ. Բելովի հաղոր-
դումը: Ի. Ն. Ֆյոդորովը քննարկման ենթարկեց
Խերսոնեսում հայտնաբերված անտիկ կառույց-
ների ճարտարապետությունը, որը տեղական
ավանդույթների և հույն դասական ճարտարա-
պետության զուգակցման լավագույն նմուշ է:
Ա. Ա. Շչեպինսկին նազայինսկի կուրգանում
(Վրիմ) հայտնաբերված հնագիտական հարուստ
նյութի հիման վրա ցույց տվեց, որ I դարում
սարմաթները, որպես սկյութների դաշնակից-
ներ, նշանակալից դեր են խաղացել Հյուսիսա-
յին մերձսևծովյան տափաստաններում ապրող
ցեղերի կյանքում: Ն. Ա. Գրաչի հաղորդումը
նվիրված էր Նիմֆեյի (Կերչի մոտ) դամբարա-
նադաշտի վերջին տարվա պեղումներին, որոնց
միջոցով բացվել են ընտանեկան հարուստ դամ-
բարաններ, նրանցից մեկի պատերին կան
բարձրաբանդակներ: Դամբարանադաշտը գո-
յություն է ունեցել I—III դդ.: Ե. Գ. Կոստանա-
յանը, հանրագումարի բերելով Պորթիոն (Կեր-
չի մոտ) բերդաքաղաքի պեղումների արդյունք-
ները, նշեց, որ քաղաքը գոյություն է ունեցել
մ. թ. ա. VI—I դդ. և վերակառուցվել է մ. թ.
ա. III դարում, որպես Բոսպորյան թագավորու-
թյան պաշտպանական ընդհանուր սիստեմի
օղակներից մեկը: Վ. Վասիլևը (Բուլղարիա) իր
ղեկավարած մեջ Թրակիայում հայտնաբերված և
մ. թ. II—III դդ. վերաբերող մի շարք բրոն-
զե ռելիեֆ պատկերների հիման վրա հանգեց
այն եզրակացության, որ Թրակիա պրովինցիա-
յում այդ ժամանակ հաստատված են եղել
փոքրասիական և սիրիական կոլոնիստներ:
Բ. Սուլտովը (Բուլղարիա) իր հաղորդման մեջ
Բուլղարիայից հայտնաբերված հնագիտական նյու-
թերի հիման վրա ցույց տվեց, որ Թրակիայում
ներմուծված խեցեղենը աստիճանաբար փոխա-
րինվում է տեղական վարպետների արտադրան-
քով: Օ. Դ. Լորդկիպանիձեն հաղորդում կատա-
րեց վերջին երեք տարում Վանիում հայտնա-
բերված հնագիտական նյութերի մասին, որոնք
արժեքավոր են մ. թ. ա. IV դարի կեսերից
սկսած Կոնստանդիստանուպոլիսի մարզերում քաղա-
քական, սոցիալ-տնտեսական և մշակութային
կյանքի զարգացման ընթացքը ուսումնասիրե-
լու համար:

Տ. Կ. Միկելաձեն ղեկավարեց VI—V դդ. Փա-
սիսի գետաբերանի մոտ գոյություն ունեցած
բնակավայրի պեղումների մասին, որոնք մեծա-
պես կօգնեն անտիկ Փասիս քաղաքի բնույթը
որոշելուն: Ա. Յու. Կախիձեի հաղորդումը նվիր-
ված էր Պիչնվարիի անտիկ դամբարանադաշտի
պեղումների արդյունքներին, որոնք ցույց են
տալիս, որ Պիչնվարին եղել է անտիկ աշխարհի

կարևոր կենտրոններից մեկը՝ Տ. Ի. Գուրուկի-նայի հաղորդումը վերաբերում էր Աղվանքում անտիկ շրջանի դամբարաններից հայտնաբերված նյութերին, որոնք թույլ են տալիս հետևելու անտիկ ավանդույթների ներթափանցմանը տեղի բնակիչների կյանքի բոլոր բնագավառներում: Գ. Ա. Տիրացյանի զեկուցումը նվիրված էր Արմավիր քաղաքին և նրա մշակույթին: Պեղումներից հայտնաբերված նյութերի հիման վրա նա ցույց տվեց, որ Արմավիրը եղել է տեղական մշակութային կարևորագույն օջախներից մեկը և միաժամանակ սերտ առնչություններ է ունեցել հելլենիստական աշխարհի հետ:

Գիտաժողովի եզրափակիչ պլենար նիստում լսվեցին՝ ակադ. Վ. Գեորգիևի (Բուլղարիա), Մ. Դ. Պետրուշևսկու (Հարավսլավիա), Ի. Տ.

Կրուգլիկովայի և Դ. Բ. Շելովի զեկուցումները:

Գիտաժողովի մասնակիցները այցելեցին Հայաստանի մի շարք հնավայրերը (Գառնի, Գեղարդ, Էրեբունի, Զվարթնոց, Էջմիածին) և ծանոթացան կատարված պեղումների արդյունքներին:

Կարգացված բոլոր զեկուցումների հիմնական դրույթները առանձին հատորով հրատարակվեցին գիտաժողովի նախօրյակին:

Սոցիալիստական երկրների անտիկ շրջանի մասնագետների «էյրենե» կազմակերպության XIV գիտաժողովն, անկասկած, նոր խթան կհանդիսանա անտիկ հասարակության պատմության ուսումնասիրելու գործում:

Ս. ԿՐԿՅԱՇԱՐՅԱՆ

ՄԻՋԻՆ ԲՐՈՆՋԵԳԱՐՅԱՆ ՆՈՐ ՀՈՒՇԱՐՁԱՆՆԵՐ

Ախուրյանի շրջանի Քեթի գյուղի շրջակայքում 1969—1975 թթ. ծավալված հնագիտական հետախուզական աշխատանքների շնորհիվ հայտնաբերվել են Հայաստանի նախնադարյան մշակույթի տարբեր փուլերին պատկանող հուշարձաններ, որոնք թվագրվում են մ. թ. ա. III—I հազարամյակներով:

Ատորև ներկայացնում ենք Քեթի գյուղից մոտ երկու կիլոմետր հյուսիս-արևմուտք, քարոտ հողեր՝ հանդամասում 1973—1974 թթ. պեղված միջին բրոնզեդարյան դամբարանները, որոնք մեծ հետաքրքրություն են ներկայացնում հիշյալ մշակույթի հուշարձանների սակավաթվության պատճառով, մանավանդ Շիրակի դաշտավայրում:

Դամբարան № 1. — Գտնվում էր մշակված հողատարածության մեջ: Հայտնաբերման ժամանակ իրենից ներկայացնում էր եզրերը բնական որձաքարերով շարված, անկանոն շրջանաձև հատակագծով, մոտավորապես 7 մ տրամագծով ոչ բարձր դամբարանաթումբ, որի արևմտյան և արևելյան հատվածները հողային աշխատանքների ժամանակ ավերվել էին: Դամբարանափոսը ծածկող խոշոր սալաքարերը և հողի լիցքը հեռացնելուց հետո բացվեց 4 մ երկարությամբ, 2 մ լայնությամբ և 2,5 մ խորությամբ հսկայածավալ, քառանկյունի մի տարածություն, որն իր առանցքով ունի արեւելք-արևմուտք դիրքորոշում: Դամբարանի հատակին բացվեցին մարդու և կենդանու շատ վատ պահպանված կմախքների մնացորդներ: Ննջեցյալը թաղված էր աջ կողքի վրա, ոտքե-

րը և ձեռքերը կծկված, գլխով հարավ, դեմքով դեպի հյուսիս: Նրա կողքին և ոտքերի մոտ հայտնաբերվեցին մանր եղջերավոր կենդանու շատ վատ պահպանված ոսկորներ: Կմախքի ոսկորների և կենդանու գլխի վրա հայտնաբերվեցին բարից, բրոնզից և սպիտակ շաղախից պատրաստված տարատեսակ զարդարանքի տարրեր՝ տափօղեր, ուլունքներ, շրասեղներ և այլն: Վերոհիշյալներից բացի դամբարանի հյուսիսային պատի մոտ հայտնաբերվեցին տարբեր ձևի՝ գունազարդ, կետազարդ և փայլեցման եղանակով զարդարված, բաց վարդագույն և սև 17 կավամաններ:

Դամբարան № 2. — Գտնվում էր առաջինից 200 մ հարավ: Նրա հայտնաբերման ժամանակ գետնի մակերեսին երևում էին ծածկի երկու սալաքարերը: Հիմնահողային այս դամբարանը ուներ 1,8 մ երկարություն, 0,7 մ լայնություն և 0,7 մ խորություն: Հյուսիս-արևմուտք, հարավ-արևելք դիրքորոշում ունեցող դամբարանափոսում դիտվեցին մնացորդներ չհայտնաբերվեցին: Հյուսիսային պատի մոտ դրված էր ձեռքով պատրաստված, անհարթ մակերեսով, դեպի շուրթը լայնացող կողերով, հարթ հատակով մի կավաթի:

Դամբարան № 3. — Տեղադրված էր № 2-ից 7 մ հարավ: Սա ծածկված էր երեք սալաքարերով, որոնց հեռացնելուց և դամբարանափոսը մաքրելուց հետո բացվեց 2 մ երկարությամբ, 1,4 մ լայնությամբ և 0,8 մ խորությամբ, մայր հողի մեջ փորված, քառանկյունաձև դամբարանափոս, որն ուներ արևելք-